



# Andreae Bonn Commentatio de humero luxato

<https://hdl.handle.net/1874/210866>

**C O M M E N T A T X O**

D E

**HUMERO LUXATO.**

*A N D R E Æ B O N N,*

6

*Anatomie et Chirurgie, in Illustri Amstelodamensi Atheneo, Professoris,*

*C O M M E N T A T I O*

D E

*HUMERO LUXATO.*



*LUGDUNI BATAVORUM,*

Apud S. et J. L U C H T M A N S.

*A M S T E L O D A M I,*

Apud P. H A Y M A N.

*M D C C L X X X I I.*

VIRO

NOBILI ET PERITO,

PETRO CAMPERO,

A. L. M. MED. ET PHIL. DOCTORI,

MEDICINÆ, ANATOMIÆ, ET CHIRURGIÆ, IN ILLU-

STRI AMSTELODAMensi ATHENÆO, PROFESSORI

HONORARIO,

SACRUM.

1000

1000

1000

1000 1000 1000 1000 1000

1000 1000 1000 1000 1000

1000 1000 1000 1000 1000

1000 1000

1000 1000

# PRÖMİUM.

Humeri, mobilissimo articulo cum scapula conjuncti, frequens luxatio, luxati sëpe difficultis, aliquando plane impossibilis, restitutio, atque hujus difficultatis toties occulta ratio, et incognitæ causæ, quarum omnium plures apud Auctores desiderantur, docenti chirurgiam, mibi partes imponere videbantur, non solum naturalem hujus articuli fabricam, verum et vitiatam naturam accuratius investigandi: ut illud vitium Auditoribus meis magis redderem perspicuum.

Repetita banc ob causam in cadaveribus, quorum mibi abundabat copia, experimenta; illorum cum anatomicis et practicis cl. Virorum observatis comparatio, et nata inde distinguendi casus et conjecturandi eventus quædam certitudo; fundamenta fuerunt, quibus superstrui debere argumenta et præcepta pro indicata curatione, alios docendo ipse didici, optimo dein successu in praxi confirmatum vidi, et, in civium non tantum, verum etiam in aliorum usum atque salutem, cum publico communicare decrevi.

Post factam, præterito anno, dissectionem cadaveris senis, cum luxato humero demortui, prælectiones meas publicas, illa occasione habitas, belgice conscriptas edidi: præter naturam constituti hujus articuli icones proxime illi descriptioni additum tunc pollicitus.

Nunc

## PROOEMIUM.

Nunc vero in publicum mittendis Iconibus occupatus ; et suam cuique laudem atque honorem tribuendi non minus , quam publicæ utilitati inserviendi cupidissimus , dictas illas prælectiones in hanc commutavi commentationem : ut eandem simul omnium in utraque nostra arte , anatomica et chirurgica , expertorum Virorum æquo judicio , et capiundis experimentis submitterem.

Ut aliquo in hisce ordine procederem , commentationem in sectiones divisi : quarum prior anatomicam et physiologicam articuli humeri brevem descriptionem , altera variam Luxationis humeri distinctionem ; tertia practicas observationes , quarta anatomica descripta observata aliorum , quinta nostra in cadaveribus instituta experimenta , sexta denique conclusio nem pro diagnosis , prognosi et curatione complectetur .

Cœterum huic nostro labori , invento utque proposito , respondeant , si ita sperare liceat , celeb. Virorum , tam practica quam anatomica , captanda experimenta : sin minus simplicitate sua præstantiorem et perfectiorem tradant methodum , quam protot miserorum hominum salute avide exspectare decet .

A N D R E Æ B O N N

C O M M E N T A T I O

D E

H U M E R O L U X A T O.

S E C T I O P R I M A.

*Articuli Humeri, vicinarumque partium brevis descriptio.*

**S**capula & Humerus mobili articulo componuntur.

Scapula , latum os , triangulare , lateribus & angulis inæqualibus , parte externa convexa , interna concava ; lateri thoracis ita applicata , et per claviculam et musculos cum sterno costis et vertebris juncta , ut latior trianguli basis spinosos vertebrarum processus respiciat oblique . Angulus exterior definit in cervicem , quæ capitulum gerit sinuatum , subovatum , inferiore parte semiorbiculatum , superiore introrsum angustatum , ora cartilaginea in recenti terminatum et auctum pro excipiendo humero ; situ fere perpendiculari defensum processibus , acromio , quod a

A

spi.

И И О В <sup>СЕМЯНИА</sup>  
Д Е Н У М Е Р О

spina, coracoideo, qui a parte superiore cervicis ori-  
tur (a).

Humerus, os longum, teres, validum, a superiori  
caput semiglobosum habet, humili cervici insidens, in  
parte anteriore cuius duo tubercula, pro insertione mus-  
culorum, inveniuntur, intermedio semicanali, pro ten-  
dine bicipitis, distincta (b).

Accedit Clavicula oblonga, gracilis, incurva, a  
priori parte gibba, a posteriori sinuata; acromio per arti-  
cululum, unciformi procesui per ligamenta juncta, sustenta-  
culo scapulæ inserviens, ut cum mobilitate stabilis sit  
et distet a sterno (c).

Articularis utriusque ossis superficies in adulto obducta est  
cartilagine, parte illius, quæ totum humeri caput et scapulæ  
cervicem in recens nato effecerat (d), antequam natum punc-  
tum osseum majorem partem occupavit, relicta incrustante  
lamella, pro mobili articulo.

(a) B. EUSTACHIUS tab. anat. XXXXVII. fig. XVI. XVII.

ALBINUS tab. oss. hum. XVI.

(b) Ibid. fig. XXVI. XXVII. ALBINUS tab. XVII.

(c) Ibid. fig. XIII. ALBINUS tab. XV.

(d) ALBINUS Icones. oss. foet. tab. XIII.

Ligamentum, hæc articulo juncta ossa colligens, dicitur bursale seu capsulare, quod a continuato ab uno osse ad alterum periosteum, plurimis fibrarum tendinosarum ordinibus roborato ortum (*e*), intus obductum vidi propria interna articuli membrana, laevi, nullibi perforata, qua synoviam, intra hunc folliculum secretam pro humectando et lubricando articulo, contineat melius (*f*). Exteriorem enim partem hujus capsæ articularis perforant tendines bicipitis et infrascapularis (*g*); non vero internam illam articuli membranam, quæ, perichondrii instar, cartilagines obducit, ad parietes membranaceas continuo adhæret, circa ambitum utriusque annuli tendinosi ad tendines reflectitur, iisque largitur membranam, quæ circa bicipitis tendinem fulcum obducit, hiatum intus claudit, & supra tendinem ad scapulae cervicem reddit: quod, prudenter a parte articuli aperiendo semicanalem, maxime in junioribus, experitur. Convenit ita interna articuli cum ceteris cavitatum corporis membranis, peritoneo, pleuris, pericardio et dura meninge, ad superficiem viscerum contentorum continua-  
tis.

Al.

(*e*) WEITBRECHT syndesmologia sect. 2. §. 19.

(*f*) Disf. de continuationibus membranarum §. 29.

(*g*) WEITBRECHT l. c. §. 20. tab. 2. fig. 6. 7. n.

Alterum, quod hunc articulum protegit, ligamentum scapulæ, triangulare dicitur, quod latiori principio, quadammodo duplici (*b*), a processu coracoideo ad acromium tendens, hiatum inter eosdem processus implet (*i*). Hisce processibus & expanso ligamento cavitas articuli tale augmentum capit, ut acetabulum coxae longe superet amplitudine (*k*).

Musculi humeri articulum ambient et artus regunt sequentes.

In primo muscularum strato (*l*) : Pectoralis major, a costis, sterno et clavicula veniens, exteriori oræ fulci ossis humeri insertus; Triangularis humeri, Deltois dictus, a scapulæ spina, summo humero, et jugulo sive clavicula ortus, a latere externo pectoralis, osfi braehii inseritur.

In

(*b*) EUSTACH. tab. XXXII. 16. 17. tab. XXXIII. 28. 29.

(*i*) WEITBRECHT syndesmologia tab. 2. fig. 6. f.

CAMPER demonstrat. anat. pathol. lib. I. tab. I. fig. I. z. Ω.  
H. fig. 2. inter. z, H, Π, h. g.

(*k*) CAMPER l. c. §. 14.

(*l*) EUSTACH. tab. XXVIII. XXX. tab. XXXII. et XXXV. in sinistro latere.

ALBINUS tab. musc. I. V. IX.

CAMPER l. c. tab. II. fig. F.

In altero strato (*m*): Pectoralis minor, seu Serratus anticus, a parte anteriori pectoris ad unciformem scapulae processum, coracoideum dictum, procedens; Coracobrachialis, ab ejusdem nominis scapulae processu ad medium fere humerum transit & inseritur; Biceps, cuius longius & tendinosum, articuli capsae egressum, principium fulco humeri continetur, cum breviori, ab unciformi scapulae processu orto, in unam confluunt carnem et tendinem, radii tuberculo insertum.

In tertio strato (*n*) articulum proxime amplectuntur et tendineis fibris capsae ligamentosae robur addunt: Infrascapularis, a parte concava scapulae tota radiatim sparsis fibris ortus, quibus, in crassam carnem & tendinem collectis, interiori tuberculo humeri inseritur; Supraspinatus, qui a sinuata parte scapulae supra spinam ortus, sub triangulari ligamento tendine procedens, majori et anteriori humeri tuberculo se inserit; Infraspinatus ab externa sca-

(*m*) EUSTACH. tab. xxxii, xxxv. in dextro.

ALBINUS tab. musc. II.

CAMPER l. c. tab. I. fig. 2.

(*n*) EUSTACH. tab. xxix. in dextro. tab. xxxiii, xxxvii, tab. xxxviii. in sinistro.

ALBINUS tab. musc. III. IV. VI. VII.

CAMPER lib. cit. tab. I. fig. I.

pulæ parte infra spinam ortus, collectas in tendinem fibras parti exteriori planiori ejusdem tuberculi insertas habet. Accedunt denique hisce Teretes, crassi musculi, quorum alterque a parte scapulæ, ab infraspinato nuda relicta, externa, originem dicit; major autem, pone humerum procedens, cum extremo Latisimi dorsi oræ interiori sulci humeri inseritur; minor, se infraspinato adjungens, ad exterius tuberculum terminatus. Tricipitis longum caput, a parte costæ anterioris scapulæ et inferiore cervicis ortum dicit, indeque, ad brachium excurrens, capsæ articulari non adhæret: quod infrascapulari, supra- et infraspinato proprium est, et in sequentibus attentione merebitur.

Vasa sanguifera (*n*) et nervi (*o*), quæ lymphaticis (*p*) & glandulis comitantur, plus minus pingui cellulosæ imferfa, axillæ cavo continentur, et hinc axillarium nomine insigniuntur, sequentes sunt: Arteria, Vena, & Nervi, plexibus cervicalibus conjuncti, musculo-cutaneus, medianus, ulnaris, cutaneus, radialis & articularis.

Ca-

(*n*) EUSTACH. tab. xxv. et xxvi.

HALLER fascic. anat. vi. tab. i. fasc. viii. tab. i.

(*o*) EUSTACH. tab. xviii.

CAMPER l. c. tab. i. fig. i. 2.

(*p*) HEWSON experimental inquiries into the lymphatic system.

plate vi.

Cavum axillæ autem propriæ dicenda venit illa capacitas, quæ, media inter scapulam claviculam & costas, a parte anteriore margine tendinis pectoralis majoris ; a posteriore latisimo dorfi & subscapulari ; ab interiori ferrato magno et intercostalibus superioribus ; a superiori præferatim clavicula & subclavio musculo terminatur : ab inferiori hians aperta, nisi carno longioris capit is tricipitis quodammodo repleta (q).

Ultimo commemorandus est folliculus tenuis membranaceus, seu synovialis bursa, quæ inter triangularem humeri musculum & supraspinati tendinem inveniri solet (r).

„ Ligamentum enim triangulare parte anteriore, in membranam mollem abit, quæ bursam efficit, sub deltoide deorsum, & ipso ligamento sursum decurrens. In humeri elevatione præcipue usuvenit, lubricatur intus smegmate, illi articulorum haud absimili “. (s)

Hanc partium descriptionem sequitur consideratio situs

3000 et

(q) EUSTACH. tab. xxviii. xxx. et xxxii.

ALBINUS tab. musc. I, II, III, IV.

CAMPER l. c. tab. II. fig. I. tab. I. fig. I, 2.

(r) ALBINUS hist. musc. pag. 422.

(s) CAMPER l. c. §. 14.

## DE HUMERO

et motus naturalis, tam flexo quam extenso articulo, vel altius elevato brachio.

**Flexo humero**, idem os secundum latus corporis ex suo articulo pendet: caput ita situm habet, ut circuitus centrum retrorsum et sursum in scapulæ sinum directum sit; tuberculum interius, sub unciformi procesu situm, respiciat axillam; & semicanalis cum bicipitis tendine sub ligamento triangulari sit; protuberante, sub acromio, exteriore tuberculo, quod, triangulari musculo obiectum, humeri gibbum facit (*t*). Hoc in situ humerus sinui apprimitur scapulæ musculis, nec minus, cum toto brachio, a musculo triangulari sustinetur. Vasa et nervi libere tunc, per cavum axillæ, ad brachium descendunt.

**Extenso ad rectum angulum a corpore brachio**, deltois & supraspinatus agunt: quibus efficitur ut globosum humeri caput magis retrorsum & deorsum vergat; tubercula vero parti superiori sinus scapulæ proprius accedant, et delitescant

(*t*) EUSTACH. tab. xxviii. &c.

ALBINUS tab. sceleti et muscularum omnes, in dextrolatere, ubi brachium extrorsum convertitum est.

CAMPERI. c. tab. I. fig. I. 2. tab. II. fig. I.

cant sub triangulari ligamento (*u*) ; unde merito HIPPOCRATES dixit „ quum ad anteriorem partem extenta fuerit tota manus , tunc brachii caput e directo est in scapulae cavitate , et non amplius in anteriorem partem eminere conspicitur” (*v*).

Altius elevato brachio , scapulam sequi et angulo suo inferiore antrorum moveri in unctione ferrato magno , necesse est : ulterius enim attollere solum humerum vetant scapulae processus et triangulare ligamentum , quæ tunc offendit (*w*). Norunt idem pictores et sculptores , Natura ipsa aut artis exemplis , antiquis marmoribus et statuis Laocoontis et Gladiatoris , edociti (*x*).

Mobilis itaque in suo articulo , humerus vario modo moveatur (*y*) : introrsum conversus subscapulari ; extrorsum infraspinato et terete minori ; attollitur supraspinato et deltoide ; retrorsum fertur latisimo dorsi et terete majori

(*u*) EUSTACH. tab. XXXIII. XXXVI—XXXIX. omnes in dextro latere.

ALBINUS tab. sceleti & musc. omnes in sinistro.

(*v*) HIPPOCRATES lib. de articulis. edit. Foesii pag. 780. edit. Lindenii pag. 757.

(*w*) EUSTACH. tab. XXX & XXXI. in dextro.

(*x*) B. GENGA Anatomia per uso et intelligenza di disegno. tavola XI. XXIX. et XXXIV.

(*y*) WINSLOW expos. anatomique §. 923—965.

ri (z). Musculis iisdem successive agentibus , compositi motus & rotatio membra perficiuntur.

Praeter hosce naturales muscularum effectus , simul iisdem tribuitur : impedire ne , qualibet actione , Luxatio orietur . „ Supraspinatus impedit , ne deltoidis contractione humerus directe sursum adscendat , et fornicem osseam offendat ; — infraspinatus , celeriter antrorsum moto cubito , humeri caput retinet , ne excidat retrorsum ex suo sinu ; — in hoc terete minore adjuvatur ; — subscapularis luxationi humeri antrorsum se opponit , ubi cubitus vi retrorsum seu extrorsum movetur.” (a)

Luxationem non minus iisdem musculis dirigi , ex eo probatur quod , ubi exciderit humerus suo articulo , et contrahatur se pectoralis major , majorque teres ? luxatio tunc fiat introrsum ; si infraspinatus , posterior pars deltoidis et latisimus dorsi ? extrorsum ; permanente contractione pectoralis , sub eodem musculo devium inveniatur caput ; contractis vero subscapulari et terete majore , axillam petat : præcedat au-

(z) ALBINUS hist. musc. pag. 656 , 657.

(a) SABATIER traité complet d'anatomie , tome I. page 280—282. Paris 1775.

item semper luxatio versus inferiora , antequam sursum aberret ” (b).

Quin immo , status naturalis muscularum vicinorum luxatione cuiusvis ossis mutatur . „ Illi , quorum origini luxatum os accedit , relaxantur ; qui contrarie se habent , id est a quorum origine os recedit , plus minus protrahuntur , tenduntur et convelluntur . Laxi poitea contrahuntur , contracti iterum laxantur , ut restituatur motus ” (c).

Perspectis ita naturali partium fabrica et usui , ad considerandum Vitium proprius ducimur .

#### S E C T I O A L T E R A.

#### *De Luxatione Humeri variae Auctorum sententiae.*

**A**ntiquis temporibus , medici philosophi humeri articulo , cubi instar , sex latera tribuerunt : superius et inferius , prius

(b) Precis de Chirurgie pratique , par M. P\*\* , M. (A. PORTAL.) Paris 1768. pag. 779.

(c) Memoires de l'Acad. royale de Chirurgie. tom. 5. p. 812.

prius et posterius, exterius et interius (*d*); verum non ab omnibus eodem nomine insignita. Hinc postea orta confusa distinctio apud plures auctores, qui, theoretica hæ divisione potius, quam experientia ducti, quatuor species luxationum statuerunt.

HIPPOCRATES, suo jam tempore, huic geometricæ divisioni luxationum, pro sua experientia se opposuit, hisce verbis: „Humeri articulum uno modo luxari novi, ad locum sub alis. Sursum antem nunquam, neque ad externam partem. — Sed neque in anteriorem partem unquam vidi, neque videtur mihi unquam excidisse” (*e*). Quid autem per *anteriorem partem* intellexerit, ex supra citatis ejus verbis (*f*), et descripto anatomico experimento sequenti liquet: „Si quis in brachio supernam humeri partem carnibus denudarit, denudarit autem qua parte musculus sursum tendit. Nudarit item tendinem, qui sub alis et juxta claviculam ad pectus est: apparuerit utique caput brachii in anteriorem partem,

re-

(*d*) Confer GALENI commentar. in lib. Hippocr. de articulis commentar. 1. ad no. 2. edit. apud Juntas, class. 7. p. 251.

(*e*) HIPPOCRATES l. c.

(*f*) Supra, pag 9.

reliquum autem brachii os, ad externam partem incurvum. Conversatur autem brachium cum scapulæ cavitate obliquum, quum juxta costas fuerit porrectum" (g). In hoc anteriori situ, humeri caput deltoide complectitur, neque concipi potest, quo modo sub illo musculo antrorum luxatur.

G A L E N U S e contra admisit „ quatuor loca non septa, in quæ putare licet articulum erumpere , inferius , superius , exterius , prius ; ” et per priorem partem intellexit idem , quod hodierni *sub musculum pectoralem* vocant . Quinque enim , quos viderat , casus recensens , hæc scribit „ in eam (sc. partem) , qua vena sita est , per summum humerum procedens , ubi duo musculi concurrunt , et magnus ille , qui a pectore oritur , et qui a litteræ Δ similitudine Δελτοideς nuncupatur , quater vidimus humeri caput prorupisse : in exteriorem vero partem mediæ regionis semel ” (b).

PAULUS negavit „ sursum luxari humerum propter  
ancyroidem processum ; neque retrorsum propter ipsam  
scapulam ; antrorsum propter tendinem bicipitis musculi et

(g) Id. l. c.

(b) GALENUS l. c. pag. 258; H.

*acromium: deorsum vero, introrsum aut extrorsum, excideret et sedem mutare posse;* concedit (*i*). Unde liquet *intra-*  
*rorsum s. in anteriorem partem non cum Galeno, sed cum*  
*Hippocrate intelligere.*

*ALBUCASIS, sententiae Aeginetæ accedens, scripsit:*  
,, humerus non dislocatur, nisi secundum tres modos. Quorum unus est ad partem titillici ad inferiora. Secundus ad partem pectoris. Et fortasse dislocatur ad superiorem partem humeri; et illud fit raro. Et non dislocatur ad posteriora propter spatulam, et non ad anteriora propter nervos. Et plurimum quidem dislocatur et egreditur ad inferiora versus titillicum" (*k*).

*AVICENNA luxati humeri descriptionem ex Hippocratis Galeni et Aeginetæ sententius composuit (*l*).*

*ORIBASIUS Galenum secutus est (*m*).*

*C E L-*  
meli te gote multa et cito et rado et rado

(*i*) PAULI AEGINETÆ opera. lib. 17. cap. cxiv.]

(*k*) ALBUCASIS Chirurgia. pars. 3. cap. xxvii.

(*l*) AVICENNAE opera, apud Juntas lib. 4. fen. 5. tract. 1 cap. 9. p. 478. B.

(*m*) De articulis qui exciderunt, a Cochio edit. Florent. 1754.

C E L S U S humerum „ modo in alam , modo in partem priorem excidere ” definivit (n).

Inter recentioris ævi scriptores , F O R E S T U S Æ ginetam verbotenus exscribit (o). G U I D O D E G A U L I A C (p) , aliique , græcos et arabes scriptores secuti sunt.

V E S A L I U S in iu o , magna Chirurgia dicto , opere nihil retulit , nisi quod „ inter variorum ossium luxationes fiant aliquæ in priorem , posteriorem et ad inferiora , ut humerus , sive brachii caput ” &c (q). Dein , alio in loco , luxationem *in posteriorem* negans , ob omoplatæ seu scapulæ situm , illam , quam posteriorem prius dixerat , *exteriorem* vocavit (r) : nulla de luxatione sursum facta mentione.

F A B R I C I U S A B . A Q U A P E N D E N T E experientiam circa hanc rem non majorem fuisse , eo liquet , quod hunc

(n) A. C. C E L S U S de Medicina lib. 8. cap. xv.

(o) F O R E S T I observat. chirurg. lib. ix. Obs. iv. in scholiis.

(p) Chirurgia. tract. 5. doctrina de dislocat. cap. 4.

(q) V E S A L I I opera. editione Boerhaavii et Albini. tom. 2. pag. 922 , lib. 1. cap. ix. ibid. libro secundo. pag. 132. cap. 11.

(r) Ibid. pag. 926. cap. xi.

merum non nisi sub alau, id est deorsum, prolabi affirmet: citans interim Galeni experientiam (s).

### MANGETUS Fabricium secutus est (t).

Celebris olim inter Gallos chirurgus, PAREUS, cuius auctoritas quadruplicem luxationum humeri diuisionem ulterius stabilivit (u), ex lata sua & ampliori praxi, nullam, luxati in superiorem aut exteriorem partem, humeri observationem reliquise jure miramus: ubi unicam luxationem in anteriores, ut vocat, partem, apud eundem citatam legimus, de qua postea dicendum.

Majorem autem divisionis confusionem deprehendimus, ubi addit: „nunquam item introrsum, hac enim parte validi musculi, qui Deltoides dicitur, carnem superjectam habet, scapulae praetera dorsum & acromium, denique ancyroidem seu coracoidem processum: quae quatuor omnia vetant, quominus in partem interiorem prolabi hic articulus posfit” (v). Inextricabilis hic mihi videtur nondus,

(s) FABR. AB AQUAP. opera chirurgica. lib. 5. cap. 4.

(t) MANGETI bibl. chirurgica. tom. 3. lib. 10. cap. 4.

(u) PAREI opera. edit. Guillemeauii. Paris. 1583. lib. 15. cap.

dus, nullo modo solvendus, nisi *sursum* vel *antrorsum*, ad sensum Hippocratis intellexerit Pareus; qui postea (cap. xxvii—xxx.) deorsum *in alam*, antrorsum *capite in pectus detorto*, vocavit, et sursum luxatum *tubere ad jugulum* distinxit.

**F**RANCO hisce verbis usus est „ humerum excidere deorsum , antrorsum et extrorsum , et ad latera (es costez) , non vero *sursum* , propter scapulam , cui committitur : ” quæ non minus obscura sunt , neque intelligendum , quid sibi per illa *latera* velit (w).

**P**E T I T U S luxari humerum statuit „ deorsum ad costam inferiorem scapulæ ; extrorsum sub ejusdem ossis spinam ; introrsum , ubi caput in axillam invenitur ; & antrorsum sub musculo pectorali ; non *sursum* , propter musculum triangularem , caput exterius bicipitis , acromium & claviculam , nisi fractura horum procesuum adsit ”. Notatu & miratu dignum hic est , Petitum negare luxationem *sursum* , ob eadem impedimenta , ob quæ Hippocrates , Paulus et Albucasis antrorsum , Pareus introrsum luxari posse

hu-

(w) **F**RANCO traité des hernies. chap. 149.

humerum negaverunt. Rarius deorsum luxatum inveniri, Petitus statuit; neque ibi diu commorari posse humerum, ob longum tricipitis caput, quod impedit; devium autem aberrare, semper distante a corpore brachio, *antrorsum*, cubito retrorsum directo; *introrsum*, cubito extrorsum elevato; *extrorsum*, cubito introrsum pulso (x).

DUVERNAY eadem confirmat: „luxationem semper *deorsum* fieri, inde vero dirigi os, *antrorsum* sub pectorali musculo, *extrorsum* sub scapulæ spina, *introrsum* versus axillam” (y).

PALFIN Hippocratem Galenum & Pareum citat, cum Petito et Duverneyio convenit; additque „sursum non directe fieri, nisi fracto acromio et clavicula, aut fracto acromio *extrorsum*, fracto coracoideo *introrsum* dirigi ossis caput. — Directe autem fieri posse inferiora versus: tuncque *retrorsum* sub spinam scapulæ, vel *antrorsum* sub pectorali musculo hærere” (z).

Hanc

(x) PETIT, tr. des mal. des os. tom. I. chap. 7.

(y) DUVERNEY, tr. des mal. des os. tom. 2. art. 2. §. I.

(z) PALFIN anat. chirurgicale edit. par M. PETIT 1753. tom. I. pag. 159.

Hanc sententiam luxationis deorsum factæ, amplectitur Clar. PORTAL (a).

Idem confirmat Clar. SABATIER (b).

Clarissimi Anglorum Chirurgi WISEMANN, et BROMFIELD, Germanorum HEISTERUS, SCHAARSCHMIDT, PLATNER et PLENCK, nostrates MUNNIKS, TITSINGH, VAN WYCK, VAN GESSCHER, aliique hodierni, tres veras species luxationum humeri, unamque dubiam, in suis scriptis docuerunt: quorum singula verba hic recensere supersedeo.

Præstat Celeberrimi CAMPERI adducere auctoritatem, atque veram ejus, mecum communicatam, addere sententiam et emendationem verborum, quæ in præstantissimo ejus opere, errore typographicō, irrepserunt, humerum nempe excidere „ *nunquam in posteriorem, impedit acromium.* ” quod de luxatione *in superiorem* intelligendum est, ideoque legendum: „ Excidit proinde humerus „ modo in alam, modo in priorem partem, id est, sub „ pec-

(a) *Precis de chirurgie pratique*, par. P. \*\* M. Paris 1768.

(b) *SABATIER*, traité complet de Anatomie. Paris 1775. tom. I.

„ pectorali musculo , nunquam in superiorem , impedit  
 „ acromium. Forsan in anteriorem nunquam movetur par-  
 „ tem , nisi postquam in ala aliquamdiu commoratus fue-  
 „ rit. — Luxatio in partem superiorem penitus præca-  
 „ vetur , nisi simul acromium et coracoideus processus  
 „ fracturam subirent , quod raro contingit ” (c).

Constatet ita tantorum Virorum argumentis , quatuor spe-  
 cies luxationum humeri existere posse (d). Num vero ex-  
 perientia æque confirmatæ , et anatomica sectione vel chirur-  
 gica praxi extra dubium positæ fuerint ? Ulteriori indaga-  
 tione dignum censui.



### S E C T I O T E R T I A.

#### *Observationes Humeri Luxati.*

Inter plurimos , eosque celeberrimos , quorum scripta  
 pervolvi , Auctores , Observationum de Humero luxato pauci-  
 tatem valde miratus fui.

Nul-

(c) P. CAMPÉR demonstr. anat. pathol. part. I. lib. I. §. 14.

(d) Encyclopedie ou dictionnaire univers. article *luxation du bras.*  
 edit. d'Yverdon 4to. tome. XXVI.

Nullas omnino invenire mihi licuit humeri Luxationes ;  
quales *sursum* fieri statuebantur, id est , in quibus casi-  
bus luxati humeri caput , ultra articularem sinum versus su-  
periora propelleretur : quod fieri posse merito negarunt  
expertissimi in arte Viri , nisi fractis simul scapulæ proces-  
subus.

In diductorum acromiorum observationibus nulla mentio fit humeri fursum luxati. Consuli hic meretur magna Galeni experientia, qui hoc vitium in se ipso et in alio ægro expertus est (*e*) ; nullibi vero fracturæ acromion vel coracoidei procesfus meminit.

Neque video, quo modo fractis scapulæ processibus, humerus as surgere posset. Ipso enim fracturæ momento vis, processibus illata, pelleret humeri caput deorsum: quod citata Galeni exempla probant. Prægressa autem fractura humerus, totius brachii appenso pondere, versus inferiora

(e) GALENI commi. ad Hippocr. libr. de officina medici. edit  
apud Juntas cl. 7. pag. 198. D.

v. SWIETEN comment. ad aphor. Boerhaavii. vol. I. pag.  
603. 611. §. 364, 365.

potius secum traheret processuum fragmenta: deltois enim sibi ipsi tunc impedimento fit, et fixum punctum, ex quo agere deberet, humerum sursum trahendi, amittit; nec valeret supraspinatus, coracobrachiali adjutus, ad id efficiendum. Quicquid sit, eodem sensu sursum luxatum dici non meretur, quando humeri caput, tubere se prodit ad jugulum "(f); sive altius intra axillam adscendit, qualem *sursum* factam luxationem BURGIUS descripsit, in quo casu „nulla aderat ultra claviculam eminentia”, sed tensio musculi bicipitis, stupor digitorum, brachii attollendi impotentia &c (g), capitis humeri, altius in axilla siti, signa.

PLATNERUS circa hanc luxationis speciem sequentia notavit „raro adscendere humeri caput ultra coracoideum processum, & in hoc casu situm esse sub pectorali musculo, inter dictum illum processum et claviculam” (h).

Rarisimas quoque inveni illas Luxationes, quibus, ab aliis *retrorsum*, ab aliis *extrorsum*, sub spinam scapulae situs humerus dicitur.

## G A-

(f) A. PAREUS, lib. xv. cap. xxx.

(g) Ephemerid. nat. cur. dec. 2. ann. obf. 155. pag. 288.

(h) PLATNER introd. ad chir. part. 2. §. 1108.

G A L E N U S paucis verbis refert „ in exteriorem partem mediæ regionis (articuli) semel proruptum vidisse ” (i).

L A M O T T E citat casum „ juvenis nobilis , qui , fériis vindemialibus colluctatus cum júniorē et robustiore rustica , lapsu infausto in sinistrum brachium , illud extrorsum luxatum habuit ” (k).

Celebris suo tempore Amstelodamensis chirurgus T I T S I N G H viderat „ feminam , quae , lapsu ex alto , humero incidenterat in elevatum quoddam obstaculum , unde orta luxatio extrorsum ” (l).

Hisce addere mihi licet , quem expertissimus apud nos chirurgus A. V A N D E R D U Y N mecum communicavit , casum . Rhedarius , rhedam dicens circum longe eminentem arboris ramum ; fede sua fere excusus , constrictis equorum habenis se sustinuit , unde humerum ramo impingens , luxatum habuit humeri caput retrorsum . Signa erant foya sub-

(i) G A L E N U S in Hipp. de articulis. ed. apud Juntas. cl. 7. p. 258. H.

(k) L A M O T T E tr. compl. de chir. tom. 2. pag. 615. obs. 397.

(l) T I T S I N G H verdonkerde heelkonst. bladz. 755. u M (n)

acromio, prominensque caput sub scapulæ spina, quod, rite administrata medela, extensione brachii antrorsum restitutum fuit.

Idem verum est de Luxatione *versus inferiora*, quam non diu existere possed hodie merito afferitur: hac enim via quidem suo sinu exire, mox vero conatusbus ægrotorum deflectere sub spinam scapulæ, versus axillam, vel, uti vocant, sub pectoralem musculum. Unde, stricto Jure, deorsum luxatum humerus dici non potest, quem tamquam in *inferiorem partem* delapsum describit Muy-  
sius: revera enim in axilla situm fuisse os, probatur tum „brachii immobilitate”, quam post restitutionem „sub ala posito linteo, in pilæ formam convoluto, ad retinen-  
dum” (m)

Frequentiora multo apud auctores inveniuntur exempla Luxationis humeri *introrsum*, seu *versus interiora*, scapulæ et articulo vicina, ubi devium humeri caput a parte interna articuli situm invenitur.

*Introrsum et deorsum luxati, sive intra axille cavum siti*

(m) Muy's praxis chir. rationalis pag. 76. obs. 10.

*capitis humeri observationes descriptæ inveniuntur sequentes.*

**G A L E N U S** caput humeri „sub alam” hærere invenit in ægro, cuius humerus a Medico non luxatus judicabatur, ex comparatione cum altero latere, ubi acromium a jugulo recesferat (n).

**L A M O T T E** sexies „intra axillæ cavum” delapsum humerum vidisse, scribit (o).

**Anonymus** auctor undecies vidit, et nova inventa sua machina restituit „deorsum luxatum humerum” (p), semel „profundius axillæ immersum” (q).

**WHITE** inter *sex*, quos memorat *casus*, *tres* recent set, ubi humeri caput „intra axillæ cavum” situm invenit (r); semel multo altius, quod *sub scapulam propulsum* vocat, distante admodum ejus angulo inferiore a costis” (s).

Per-

(n) Lib. cit. edit. apud Juntas clasf. 7. p. 198. d.

(o) **L A M O T T E** tr. comp. de Chirurg. obs. 391—396.

(p) Uitgezogte Verhandeliugen 4<sup>e</sup> deel bladz. 595.

(q) Ibid. pag. 589.

(r) Medical observ. and inquiries by a society of physicians, at Lond. vol. 2. pag. 373. et seq.

(s) Ibid. Case 3.

Pertinet hic supra citatata observatio MUISSI, quam *deorsum factam vocavit (t)*; pertinet et illa VESLINGII (u), aliorumque practicorum plurima observata.

*Altius in axilla*, nec tamē sub pectoralem musculum, humerus situs dicitur, in memoratis Burgii, Anonymi et Whitii exemplis (v): quod „tubere ad jugulum se prodeuns, sursum” dicitur a Pareo (w).

*Introrsum et antrorsum* vero, seu, ut vocant, *in priorem partem, s. sub pectoralem musculum* inveniri luxati humeri caput, probatur sequentibus.

GALenus „quinquies in priorem partem procidisse viderat, semel Smyrnæ, Romæ quater” (x).

PAREUS rarum vocat, attamen profitetur „semel observasse in quadam monacha, quæ, claustrum pertusa, cum se è fenestra in terram præcipitasset, lapsusque

(t) vide supra, pag. 24.

(u) VESLING. Obs. anatomicæ casus XII. edit. Bartholini 1664. pag. 79.

(v) vide supra pag. 22 et 25.

(w) Pareus l. c. cap. XXX.

(x) vide supra, pag. 13.

ac corporis gravitatem cubitus sustinuisset, ipsi antrosum luxatus est humerus, quod cognoscebatur humeri capite in pectus detorto” (y).

WISEMANN vidisse, ait, humeri os aliquantum in priora sub musculo pectorali; an vero eo pervenisset conatibus, quibus ex axillæ cavo expellebatur, quod credibile, ignorare fatetur (z).

BROMFIELD casum describit, hominis adulti, cui luxati humeri caput sub clavicula fixum hærebat, quod tamen, ægrotō ex brachio suspenso, situm mutavit axilam versus, postea in sinum restitutum” (a).

WHITE ægrum vidit, cuius, caput ossis humeri, quod transcenderat processum coracoideum, situm erat sub pectorali musculo” (b). Alium citat ægrum, ubi, sub pectoralem musculum propulsum caput viderat” (c).

## PUR-

(y) A. PARE lib. cit. cap. 28. pag. 451. v.

(z) R. WISEMANN chirurgical treatise vol. 2. pag. 275.

(a) BROMFIELD chirurgic. obs. and cases. vol. 1. pag. 288.

(b) WHITE cases in surgery. case. 1. pag. 95.

(c) Ibid. pag. 105.

PURMANN similem describit luxationem. „Humeri caput adeo costas inter et claviculam incuneatum erat, ut optimis glossocomiis non poterat moveri” (d).

Pertinere huc videtur MAUCHARTI observatio, qua „simul spinam ventosam capitum humeri adfuisse” refert (e).

Ex quibus omnibus, nisi aliæ dentur observationes, sequitur fere, nullas dari Humeri Luxationes, quæ sursum factas proprie dici mereantur; utpote quæ, theoretica contemplatione et cubica articuli consideratione, potius in museo excoxitata, quam ad lectum ægrotorum experta videntur: rarissimas simul esse, quæ extorsum, minus raras deorsum, frequentissimas autem introrsum vel antrorsum inveniri: — nec minus illas, quæ in axillam deorsum, scapulam inter costas et claviculam sursum, vel sub pectorali musculo antrorsum dicuntur, non nisi pro varietatibus ejusdem luxationis versus interiora esse habendas.

HIPPOCRATEM ita jam concepsisse, patet, ubi scripsit, „Medicis videtur valde in anteriorem partem

(d) PURMANN lörbeerkrantz. oder Wundartzney 3ter theil. cap. 24. pag. 195.

(e) Ephem. nat. curiosorum. cent. 9, obs. 33. p. 75.

luxari, et maxime decipiuntur in his, quorum carnes tabes circa articulum et brachium occupavit. Apparet etiam in talibus caput brachii omnino in anteriorem partem eminens" (f).

GALENUS, qui luxationem *versus anteriora*, id est sub pectoralem, ab illa *versus inferiora* sive in axilla distinxit, addit „ erat autem discriminatio in eo, quod nunc ab ipsa magis ad commisuram accedebat, nunc ab ipsa magis diducebatur in longitudinem vel latitudinem membra" (g). Unde liquet, etiam in illo humeri anteriori situ non semper in eodem loco, sed vel magis cavum axillæ versus, vel proprius claviculae hæsisse.

## SECTIO QUARTA.

*Luxati Humeri Observationes Anatomicæ:*

**A**natomicæ Observationes aliquam, non vero omnem, lucem huic rei affuderunt.

La-

(e) HIPPOCR. libr. de articulis. in initio:

(f) GALENUS in Hippocr. lib. cit. apud Juntas class. 7. pag.

Luxatum humerum, post mortem, cultro anatomico subjiciendi rarissima occasio, fortasse causa fuit, cur minus in hoc vitium inquisiverint celebres in arte Viri. Interim mirum est, morbosā scapularum osfa non dudum, ad veram luxati articuli fabricam perquirendam, viam indicavisse.

MORGAGNUS semel in cadavere invenit,, sinum ossium, quo scapula dextera caput osis humeri excipiebat, oram habuisse manifesto deficientem, ubi latere anteriore accedere debuisset ad summum" (b).

CHESELDENUS viderat,, scapulam hominis adulti, a Douglasio dissecti, et cuius lateris interni sinus articularis pars diffracta fuerat, cum luxatione humeri" (i).

LOESEKE Ao. 1754. descripsit et iconē expressit scapulam, cui,, a latere, versus interiorem superficiem scapulæ et paullo inferius, ad locum illum, ad quem subscapularis musculus fibris suis confluit, prope marginem scilicet inferiorem

(b) MORGAGNE Epistola. anat. medica 57. art. 2.

(i) CHESELDEN anatomy of human bones. the fourth. edition London 1730. pag. 31. Id. Osteography, in folio, tab. 45. fig. 1.

rem vel anteriorem, naturam novam, multo capaciorem longiorem et profundorem cavitatem articularem, pro capite suscipiendo, eleganter, concinne et mirabiliter formavit. Os etiam ipsum ibidem quoad crasfitem quasi crevit, et colum scapulae aliquantum intumuit." Credit auctor,, deraso per frictionem, capitis humeri dislocati, periosteum, et lamina externa ossea distracta, — vasa lacerata novum succum osseum effudisse, unde instar calli, marginis superficies, tuberculosa et inæqualis facta, omnique ambitu quasi cristata et in spinosas eminentias, imprimis versus inferiora producta est". Qualis vero motus in brachio superfuerit, ignorabat auctor,, accuratiora et, quæ ad ligamentorum notitiam pertinent, notare impeditus "(k).

THOMSON, Ao. 1760. unam alteramque anatomicam hujus vitii descriptionem publico communicavit.

In primo et recenti casu, adulti hominis,, brachium, recurrentis rotæ fune prehensum, humeri articulo solutum fuerat. Aderat fovea depressa sub acromio, et caput humeri altius in axilla situm , &c. Post mortem inveniebatur deltois valde tensus; caput humeri, a latere interno cervi-

(k) LOESEKE observation. anat. chir. medicæ, pag. 13 et 14.  
Tab. I.

cis scapulæ, intra subscapularem et ferratum magnum, in ipso axillæ cavo situm. Ligamentum capsulare, scapulæ adhærens, per totum ambitum collo humeri abruptum erat, una cum interioribus supra- et infraspinati, subscapularis et teretis majoris, tendineis fibris: perdita aliqua cervicis humeri substantia," &c. (*l*).

In altero casu, humerus in axilla inveniebatur, sed mobilis intra sinum et capsam, a parte interiore scapulæ. Ora interior cavitatis glenoideæ, quæ a basi processus coracoidei ad costam inferiorem pergere solet, diffracta erat. Nulla aderat cartilago, verosimile in os mutata. Caput humeri novam sibi effinxerat cavitatem, ad partem interiorem cervicis scapulæ, repulso subscapulari musculo. Caput humeri solito planius erat, et utriusque ossis superficies leviter polita, ubi attritus major fuerat. — Fragmentum sinus sub novo induratoque osseo succo novæ cavitatis recondi ", opinabatur auctor, qui muscularis et ligamentis hoc in casu non attenderat (*m*).

MEL:

(*l*) Medical obs. and inq. by a society of physicians, in London, vol. 2. pag. 342. et seq. plate 3. fig. 1. 2. plate 4. fig. 1. 2.

(*m*) Ibid. pag. 351. et seq. pl. 3. fig. 3.

MELLE Ao. 1770. luxationem humeri descripsit, ubi  
 „ artificiali cavitati glenoideæ monstrosum accedebat caput  
 humeri, simul cuin luxatione claviculæ.”

„ Capitis longi musculi bicipitis tendo extra sulcum  
 erat, et sulcus obliteratus. Musculus subscapularis valde  
 tumidus et deorsum tractus. Cavitas glenoidea sca-  
 pulæ sursum et deorsum acuminata erat. Juxta oram  
 hujus cavitatis naturalis internam alia cavea, major priori  
 et semilunaris, margine aspero, acuminato, ferratoque circum-  
 scripta; superficies ejus erat concava, valde scabra et inae-  
 qualis, cartilagine splendida et lœvi vestita, quæ, crassitie a  
 naturali distincta, valde tenuis et rubella fuit.”

„ Humeri extremitas superior plurimum alterata, quasi  
 ex duobus capitibus constabat. Inter hæc duo capita cavea  
 profunda, magna, ampla interjecta erat. Superficies ejus  
 interna, capita dividens, lœvior; exterior scabra et tubero-  
 sa sese obtulit. Hæcce superficies, pariter ac caput, te-  
 nuiori cartilagine vestita fuit. Hac etiam in superficie, ver-  
 sus caput naturale, foramen quodammodo rotundum patebat,  
 ad cavitatem ossis penetrans, præternaturale. Hæc ossa  
 tali modo inter se articulabantur, ut claviculæ extremitas an-  
 terior tegeretur acromio, et caput naturale humeri in cavi-

tate artificiali versaretur, e contrario in cavitate glenoidea caput præternaturale contineretur" (*n*).  
"admodum raro et rapiens

Præter hæc citata exempla, aliud invenio,, junioris rusticæ, cuius sinistrum brachium jocosò luxatum, ab imperitis neglectum, exulceratum et sphacelatum, post mortem inveniebatur cavitate sua excusum, ita ut inter illud humeri caput claviculamque fovea erat transversum digitum admittens, unde veram esse luxationem concludebatur" (*o*).

Omne, quod ex hisce anatomieis obseruationibus concludere licet, hue redit: marginem interiorem sinus scapulæ fractam deficere posse; caput humeri inter musculum subscapularem et serratum magnum, in ipso axillæ cavo, rarius; frequentius autem ad radicem cervicis scapulæ, inter illud os et musculum subscapularem, inventum fuisse; et ultimum hoc semper fieri debere, ubi humerus novam fibi effingit cavitatem, quod, capite in vero axillæ cavo posito, nunquam efficere valeret. Conclusio hæc, quam non sciām ab ullo auctore, inde derivatam, tamquam ar-

(*n*) Nova acta physico medica. tom. 5. pag. 1. tab. 1. fig. 1. 2. 3.

(*o*) Selecta medica francofurtensis, Ao. 1737. tom. I. p. 156.

argumentum ad bene intelligendas et curandas Luxationes propositam fuisse; ansam præbuit sequentibus anatomicis Experimentis, quibus hanc veritatem ulterius confirmari, utilissimumque inde consilium deducendum esse, pro curatione, didici.

## SECTIO QUINTA.

*Experimenta Anatomica, in Cadaveribus instituta.*

**P**oste aquam semel et iterum Humeri os, capite suo per musculos scapulæ in sinum articularum retentum, dissecto deltoide musculo (*p*), ex sinu illo exire, aut protractum varie subluxari videram; attentus simul ad illa, quæ narratione luxatorum hominum audiveram saepius, et quæ cum descripto ab auctoribus modo, quo fiat luxatio, conveniebant; Luxationem in cadaveribus, elevato et retrorsum ducto brachio, imitatus fui. Successit hoc ad votum, neque validam vim adhibere opus fuit, minime ubi totum articulum antea calida aqua, ad naturalem caloris gradum, foveram. Elevato brachio reclinato et re-

(*p*) Confer. Cl. CAMPERI demonstr. anat. path. l. c. §. 14.

flexo, humeri caput inferiora versus sinu articulari exire clare fentivi. Mox autem, conamina ægrotorum in tali momento consueta imitando, vidi humerum, sinu excussum, devium extrorsum difficillime, citius autem et sponte quasi versus interiora, axillam et pectoralem musculum. Signa, quæ luxationem humeri versus interiora completam declarabant, erant sequentia: tumor sub clavicula; fovea sub acromio; deltoidis planities tensa; planius, sinuatum, et parte superiore intortum brachium; distantia major aut minor anguli inferioris scapulæ a costis; distantia cubiti à corpore reliquo; olecranum antrorsum directum; bicipitis abbreviatio; cubitum extendendi impossibilitas; mobilitas brachii non nisi retrorsum et antrorsum, vel parum sursum. Manus fronti vel dorso imponi non potuit.

Naturam sic arte imitando, saepius Humerum tali artificio luxatum, et firmato vinculis brachio dissectum, coram frequentem auditorum coronam in theatro anatomico publice demonstravi.

In omnibus hisce Experimentis *Humeri caput in interiorum partem mediæ regionis articuli*, ut Galeni verbis utar, sub cute prominere vidimus. Fovea depressa sub acromio conspicua aderat, cum tensione plana deltoidis et

exterius sinuato brachio. Sublatis integumentis, fovea illa ante sinum articularem impressa, inveniebatur præcise ad divisionem fasciculorum deltoidis, quorum prior a clavicula, sequens ab acromio ortum dicit. Musculus pectoralis insigni tumore prominebat sub media fere clavicula. Humeri caput nudum ergo *sub pectorali* situm esse, videbatur.

Resecui tunc pectoralem, ut denudarem devium humerum, quem adhuc ferrato antico, coracobrachiali, et tendine lato bicipitis obiectum inveni ita, ut de globoso humeri capite nihil esset conspicuum, verum, tamquam *axillæ cavo immersum*, sub vasæ axillaria nervorumque plexus, quæ a subiecto tumore quodammodo versus priora propellabantur. Dicti autem hi musculi totum introrsum conversum humerum sequebantur, contorti fere circa illum. Condylus exterior humeri anterior erat, et cubitus aliquantum flexus.

Resecui et reflexi extrorsum quoque musculi triangulares partem, ab acromio et jugulo ortam; vidimusque, medio sub trianguli scapulæ ligamento, bursam synovialem, ante sinum articularem tensam et ex transverso distractam. Ablato illo folliculo, cavitas articuli, quæ a minus peritonus nuda tunc crederetur, recondita adhuc erat, obducta.

tensis supraspinati, infraspinati, et teretis minoris carneis ac tendineis extremis, circa radicem processus coracoidei inflexis. Rescidi postea musculos, unciformi seu ancyroideo scapulae processui affixos, nec non omnia vasa et nervos, glandulas et adiposam, quae axillam implere solent, ut caput humeri in cavo axillæ invenirem, neque tamen nudum inveni, delitescentem semper pone *subscapularem musculum*, et in contactu cum parte scapulae interiore, oræ sinus articularis plus minusve vicina, ratione propulsi musculi *subscapularis*. Ig eb tu, sii inveni musculo adiutorio oculi ex tuberculo exterius, et sulcus pro longiori capite bicipitis, non sub acromio, verum sub coracoideo processu inveniebantur: unde inflexio hujus tendinis intra articularem capsam, totius bicipitis tensio, cubiti flexio et supinatio manus intelliguntur. Validiori adhibita vi, partem oræ interoris sinus articularis diffractam semel in cadavere vidi, scapulamque servavi.

Ut autem certior fierem de via, qua humerus articulo suo excidat, luxatum prius brachium ad rectum anguluni extendi; sicque caput osis nixu ante scapulae sinum rediit. Mox dein luxationem artificialem cum eodem humero

mero iteravi, extendendo et elevando brachium; vidi mus-  
que distincte exire articulo per ruptam capsularem mem-  
branam, inter musculi subscapularis et teretis minoris  
utramque carnem, donec longiori tricipitis tendini insiste-  
ret. Flexo tunc brachio, caput humeri inter relaxati trici-  
pitidis longum tendinem teretemque maiorem procedebat  
pone subscapularem, ad cervicem ipsius scapulae. Dissecto  
illo musculo subscapulari, capsularem membranam a parte  
inferiori et interiori ruptam & laceratam toties inveni.  
Nullo jure ergo ita luxatus humerus sub solo pectorali  
musculo dicendus erat, neque intra verum eavum axillæ,  
quoniam altius seu profundius, respectu situs erecti vel de-  
cumbentis, quo consideretur æger, *inter Scapulam et sub-*  
*scapularem musculum* situm obtinuit.

Verum enim vero, tale quid non solum in hisce captis  
experimentis a modo, quo luxationes in cadaveribus in-  
stitui, evenisse; sed quoque in vivo homine situm hunc  
obinere, omnia probant: non solum illa Cheseldenii, Loe-  
sekii, Thomsonis et Mellii descriptarum scapularum exem-  
pla, quorum novæ effictæ cavitates articulares, semper  
ad cervices scapularum, pone subscapularem musculum, de-  
litescentem humerum supponunt: verum eorumdum quo-  
que:

que Cl. Virorum verbis, quæ nullum dubium relinquent. THOMSON enim, in altero casu descripto, licet dicat, quod *humerus itidem in axilla inveniebatur*, addit tamen, *caput humeri novam sibi effinxisse cavitatem, repulso infra-scapulari musculo*" (q). MELLE in descriptione sua refert, "muscum subscapularem valde tumidum et deorsum tractum fuisse", licet hoc capiti humeri non tribuat (r).

Ulterius autem hoc exemplis sequentibus, ex Cadaveribus cum luxatione demortuorum desumtis, confirmare pergam: maxime ex cadavere, quod mense Octobri Ao. 1780. in Theatro nostro Anatomico publice dissecui.

Senex erat septuagenarius, fidicen, qui ante quatuor annos lapsu luxaverat humerum, quo neglecto et non restituto, manum fronti imponere vel ad dorsum move-re impotens æger, motus tamen brachii inferiores antrosum et retrorsum perficiebat, sicque, plectrum agitando, vitam sustinebat, donec alio morbo confectus obierit.

Signa luxati humeri, in vivo æque ac in mortuo homine, eadem erant, de quibus in experimentis memini: nempe

(q) l. e.  
(r) l. c.

pectus planius; tumor versus axillam, sub media clavicula; fovea sub acromio; brachium sinuatum; cubitus flexus, multum distans a corpore; manus pronatio et supinatio impeditæ; cavum axillæ, digitis exploratum, globoſo et incrassato humeri capite repletum.

Dissectis integumentis, clavicula, solito magis incurva, antrorsum prominebat: hinc distantia acromii a sterno minor; cavum axillæ versus superiora angustatum; humeri caput sursum adactum, et scapula multum a costis distans. Deltois, globoſo humeri capite introrsum devio non expansus, elongatis et extenuatis suis carneis fibris, tensus erat: unde humeri planities. Pectoralis, medio inter acromium et papillam dexteram loco, seu ad altitudinem delitescentis coracoidei procesus, longo latoque tumore prominebat, subjecti capitinis indicio.

Resecto Pectorali (*s*), reſecto et reflexo Deltoide (*t*), Humeri caput intra axillæ cavum situm erat (*u*); non vero

(*s*) Tab. I. r.

(*t*) Tab. I. m.

(*u*) Tab. I. g. h.

vero nudum, sed pro parte obteatum ferrato antico (v). Coracobrachialis (w), caput breve bicipitis (x), nec non longum (y), prope coracoideum processum sub illud breve delitescens, oblique procedebant, et introrsum conversum humerum sequebantur. Luxatum, ast simul degeneratum apparens humeri caput, parte anteriore et interiore, inter coracobrachiale et pectorale minorem (z), et inter illum et subclavium (a), in conspectum veniebat, una cum vasis et nervis, ab eodem humeri tumore ad vicinas costas appressis (b).

Hisce in regione pectoris consideratis, in ipso articuli humeri loco, soluto et reflexo deltoide, alia, non minus attentione digna, observabantur. Loco gibbi humeri, planities depressa sub acromio nullum offerebat vesiculam synovialem, quæ degenerata in ligamentum latum, firmum atque robustum (c), ab acromio, extrema clavicula, liga-

(v) Tab. I. v. (w) Tab. I. u. (x) Tab. I. t. (y) Tab. I. s. (z) Tab. I. h. (a) Tab. I. g. (b) Tab. I. w. x. (c) Tab. I. k. Tab. II. l. Tab. III. n. Tab. IV. o.

mento triangulari et coracoideo processu ortum; ante naturale articuli cayum tensum; ad humerum descendit, et parum supra deltoidis insertionem, trifido fine (*d*), humero se affigebat, ut illum sustentaret; tensum eo magis, quo cubitus lateri corporis proprius admovebatur.

Resecto ferrato antico et remotis vasis et nervis axillaribus, axillæ angustia, caput humeri tumidum, et scapulae a costis et ferrato magno insignis distantia, conspiciebantur. Humeri caput autem non erat nudum; verum, carneæ et tendinea massa involutum, axillam implebat, et prominebat ad musculum subclavium usque. Remoto tunc magis a corpore brachio, evidens fuit carneam illam humerum involventem massam nil esse, nisi subscapularem musculum (*e*). Resecto simul deltoide a scapulæ spina, non minus perspicuum fuit, teretem (minorem (*f*)), cum infraspinato (*g*), et supraspinato (*h*), circa coracoideum processum introrsum flexo, pone spurium illud ligamentum, ante

ca-

(*d*) Tab. I. l. Tab. II. m. n. o.

(*e*) Tab. III. k.

(*f*) Tab. II. p.

(*g*) Tab. II. q. r.

(*h*) Tab. II. s.

cavitatem articularem procedere, et humeri caput versus interiorem articuli partem et axillam sequi (*i*).

Dissolvi tunc claviculæ cum sterno nexum, et brachium removi a reliquo corpore. Caput humeri, subscapulari musculo obvolutum, a parte interiori spurii ligamenti situm (*k*), resecta illius musculi carne, resecta quoque illa infraspinati et teretis minoris, inclusum apparuit membrana capsulari ampla, distenta, undique clausa, et relictis lati tendineis illorum muscularum scapulæ extremis roborata. Hoc in statu supraspinatus capsam articularem, ligamentum spurium ipsum humerum, oblique sustinebant. Caput ossis, intra novum articulum motum, excipi videbatur cavea ossea, cuius partem coracoideus processus (*l*), reliquam proxima cervicis scapulæ concava superficies efformabant, ora inaequabili terminatam (*m*).

Novi hujus articuli capsularem membranam tendineam, ab interiori per longitudinem incidi; vidimusque tunc in-

tus:

(*i*) Tab. II. r.

(*k*) Tab. III. i.

(*l*) Tab. III. d. Tab. IV. i.

(*m*) Tab. IV. k.

tus tendinem longum bicipitis (*n*), integrum, obliquum capitis humeri situm infecutum, dein extrosum inflexum, degeneratae intus substantiae membranæ capsularis immersum, et parti superiori sinus naturalis scapulæ affixum. Duplex illa, intra articulum, tendinis bicipitis flexura breviorem redidit musculum: quod iterum cubiti extensiōni, manus pronationi et supinationi debitæ impedimento fuit. Ipsa membrana capsularis, naturalis externo habitu, intus fibrosa erat (*o*), degenerata in plures glebas minores pinguedinosas, induratas, fere osfeas, et quæ, prominentes aut pendulæ, totum articuli cavum et distantiam inter ossa et capsam relictum replebant (*p*).

Ossa diducta ulterius spectanti obtulit se primo Scapula, duplicem articularem exhibens superficiem (*q*). Prior, naturalis sinus, obducta erat cartilagine, quæ, capitis humeri continua pressione, crassitudine increverat, aliquantum soluta et fibrosa reddita (*r*). Sinus hujus ora interior,

par-

(*n*) Tab. IV. n.(*o*) Tab. IV. l.(*p*) Tab. IV. m.(*q*) Tab. IV. e. h.(*r*) Tab. IV. e.

parte acuminata (*s*) et, detrita cartilagine, nuda, nitore et soliditate eburnea, novæ cavitatis superficie continuat. Oræ ejusdem pars inferior, cervici proxima, deficiebat, quasi diffracta et indurato osfeo callo immersa (*t*).

Altera nova articularis cavea, eminentia illa ossea a naturali sinu distincta, a callo producta et humero in caveam effossa videbatur; constans grumis osfeis aggregatis, motu et tritu continuo pressis, neque ullo periosteo aut cartilagine obductis, nisi pro talibus habere quis voluisse fibrofas detriti periostii reliquias, intervalla harum masfularum adimplentes (*u*). Inferior pars coracoidei processus, solito latior, periosteo quoque detrito, amplitudinem novi articulatis sinus auxit, perfecit (*v*); ora inæquabili terminata (*w*). Membrana capsularis ab interiori, vi luxationis rupta, lacerata et separata ab humero fuerat; cui substitui videbatur altera, a circumferentia oræ asperæ novi sinus (*x*)

or-

(*s*) Tab. IV. g.

(*t*) Tab. IV. f.

(*u*) Tab. IV. h.

(*v*) Tab. IV. i.

(*w*) Tab. IV. k.

(*x*) Tab. IV. h. i.

orta, undique clausa, et obducta subscapulari musculo, qui, ea de causa, latiori tendinea expansione articulari capsae immisceri (*y*), et inferioribus fibris tuberculo humeri inferi (*z*), videbatur.

Humerus non minorem mutationem subierat. Caput ejus, magnitudine parum auctum, bifidum apparuit. Pars interior, eaque major, quæ cum nova articulari cavea committebatur, cartilagine naturali incrustata erat (*a*): præter plagam minorem, quæ, continuo motu et attritu, eburneum subierat polituram (*b*). Altera pars, exterior, sinu naturali scapulæ commissa, attritu perdita cartilagine, nuda erat atque polita (*c*). Media pars sinuata, et cartilago ejus in fibras resoluta (*d*).

Duplex itaque horum osium compositio ginglymum refe-rebat, permittens motus humeri, anteriora et posteriora ver-sus, quibus barbitæ fides plectro tangere valuit miser. In-te-

(*y*) Tab. III. m. i.

(*z*) Tab. III. l.

(*a*) Tab. IV. p.

(*b*) Tab. IV. q.

(*c*) Tab. IV. r.

(*d*) Tab. IV. s.

terim iidem hi motus, non parum, ad novum illum effingendum scapulæ sinum, aut humeri sulcum exarandum, contulerunt.

Cum eadem illa anatomica nostra Luxati humeri observatione, duæ aliæ conveniunt, quarum ossa, ligamentis siccatis cohærentia, una cum mox descriptis, thesauro osfium morbosorum Hoviano, cuius indicem et icones jam prælio commisi, aservantur.

In uno specimine, sinistri Humeri, in partem priorem et interiorem vi expulsi neque repositi, cervix scapulæ, ex qua sustentaculum humeri procedit, media disrupta est; pars sinus superior depravata, tuberculis osfeis excrevit; pars inferior atque depressa, parti scapulæ interiori, intermedio callo, agglutinata. Callus eo loci novum quasi sinum effinxit, fere rotundum, inæquabilem, non cartilaginosum, caput humeri sustinens compositione mobili. Fragmentum depresso, forma cervicis novum sinum sustinet. Sinus ille eminentiis et fulcis inæqualis est. Caput humeri, deforme parte exteriori, enascentis calli notas exhibit; interiori inæquabile, posteriori complanatum, superficie lævi et quasi eburnea finitur, qua novi scapulæ sinui insidet. Humerus non ad omnes usus utilis fuit,  
siqui-

siquidem quoquoversum contorqueri nequit, sed sursum, ad certum terminum usque, atque deorsum facile agitur.

Alterum specimen, sinistri quoque humeri articulus, hominis adulti, qui, de luxato humero nihil suspicatus, per plures annos neque volam capiti aut dorso, neque cubitum lateri admovere poterat, verum opertum caput inflexa cervice denudabat; ex febre delirus lecto excidit, simulque humerum fregit. Chirurgus, fracturam explorans, solo fere aspectu cognovit humerum olim fuisse luxatum, nec repositum. Post mortem, una cum reliquis humeri versus interiora luxati signis, caput ejus inveniebatur pone subscapularem inuscum. Sinus scapulae medius juxta longitudinem fractus fuit; pars interior, depressa, concavae scapulae parti, cervici proximae, applicata per callum accrevit; et latiori ac sinuata superficie novum sinum refert osseum, nudum, nulla cartilagine neque periostio obductum. Ex medio fracturae loco, calli tuberculum enatum eminet, quod novum sinus a prioris naturalis parte relicta distinguit. Caput humeri, qua sinui insidet, conplanatum, nudum et quasi eburneum; reliqua pars cartilagine obducta, et, qua adhaerebat ei ligamentum capsulare, pluribus erumpentis quasi calli tuberculis cincta est.

Comparatis hisce inter se, cum præcedentibus in cadaveribus captis experimentis, et cum citatis Cl. Auctorum obser-vatis, neminem amplius dubitaturum credo, Humeri os, sede sua naturali deorsum excussum, brevi post aliam occu-pare sedem, maxime vero interiorem articuli partem: tuncque sive *deorsum* axillam pertingere; sive *sursum* adscendere, et *antrorsum* sub media claviculæ prominere, tumore, qui utro-que musculo pectorali, majore et minore, potius quam sub-jecto osse efficitur. Neque minus extra omne dubium po-suisse, et tam experimentis quam ratiocinio probavisse mihi persuadeo, caput ossis humeri, non nisi laceratis muscu-lorum scapulæ tendinibus humero insertis, hinc in rarissi-mo casu, protractum et *evulsum* validissima vi ex suo articulo, revera in axillæ cavo, id est inter musculum subscapularem et serratum magnum, reperiri: frequen-tius autem, ne dicam alias semper, ubi *lapsu* egreditur, pone subscapularem, id est inter illum et scapulæ conca-vam superficiem hærere; in hoc autem casu, illoque solo, humeri caput novam sibi, ex indurato osseo succo, effinge-re cavitatem, prope scapulæ cervicem, quæ, fractura oræ interioris sinus, magis eo disponitur.

Præterea hisce satis superque evictum autumo, in recenti-

ca-

casu partem membranæ capsularis laceratam; in inveterato malo degeneratam inveniri: novum ex callo productum sinum nunquam vera cartilagine incrustari, et quod protali haberetur, a superstite periosteо aut capsæ membranaceæ prioris reliquiis ducere originem.

Indagata ita per Anatomen vera, ni fallor, Luxati Humeri fabrica, commemoranda veniunt, quæ distinctionem nostram ulterius confirmabunt, signa, et quæ ad optimam curandi methodum ducunt.

### SECTIO SEXTA.

#### *Conclusio pro Diagnosi, Prognosi et Curatione.*

**L**uxatur itaque Humerus, plerumque elevato brachio: excidit ex suo sinu, inter musculum subscapularem et teretem minorem, rupta membrana capsulari: et luxatum caput sine in cavo axillæ nudum hæret; seu pone subscapularem delitescit.

Diagnosis, experimentis nostris aliquantum certior redita, sequenti modo hos casus distinguere juvabit.

*Ubi caput humeri, articulo evulsum, juxta subscapularis marginem anteriorem gliscendo, nudum in axillam pervenerit, ibique sive depresso, sive altius, seu sub pectorali anterius fuerit situm, digitis in axilla exploratum, naturalis magnitudinis et mobilius inveniri, cubitum lateri corporis magis applicari, et brachium in altum elevari posse, necesse est.*

*Quando vero humeri caput, lapsu ex sinu excussum, pone subscapularem musculum delitescit, simili exploratione in axilla, illud magnitudine auctum apparebit, cum minori mobilitate. Distantia humeri a sinu major erit, quanto subscapularis a scapula vi fuerit repulsus et separatus, aut pectoralis humerum secum traxerit versus anteriora. Fractura enim sinus et cervicis scapulæ, devium humerum versus interiore et posteriorem axillæ partem magis diriget: sine quo, priora versus attraheretur pectorali. In hoc frequentiori exemplo cubitus lateri corporis admoveri non poterit, nisi multum relaxato subscapulari.*

Non opus erit pluribus hic immorari verbis, enumerando reliqua Luxationis symptomata, quæ, supra recensita (e),

(e) Vide supra, pag. 36. 41.

facile ex hisce repetitis derivari et explicari possunt : fovea sub acromio, tumor sub clavicula, tensio deltoidis, flexi cubiti distantia a costis, &c: quæ omnia tanto graviora erunt, quantum claviculæ proprius accesserit luxatum humeri caput.

Ubi inveteratum malum, claviculæ curvatura, distantia acromii a sterno minor, angustatio axillæ, scapulæ a costis repulsio, accedere possunt.

Prognosis, hisce diversis in casibus, diagnosin sequetur.

Membranæ capsularis fissura, per quam egressum fuerit humeri caput, restitutioni membra impedimento fore, secundum

Cl. WHITII sententiam, vix dubito: modo talis revera existet fissura longitudinalis unquam. Laceratio totius capsularis ligamenti, tendinumque muscularum scapulæ, cum insecura aberratione nudati capitis in cavum axillæ, restitutionem in recenti casu difficultem reddent: nec minus retentio- nem, licet restitutum fuerit.

Simili modo retentio in naturali situ restituti membra difficultis in recenti casu erit, ubi scapulæ cervix fracturam

passa, humerique caput pone subscapularem hæret: restitutio e contra parum tunc facilior erit, adhibita mox describenda cautela: Ubi vero adultum malum erit: retracti et valide contracti musculi summum impedimentum et resistentiam, balneis, fomentis et linimentis, vix superandam offerunt.

Majus vero impedimentum restitutionis in tali casu erit superandum, ubi, ora interiore sinus naturalis diffracta, succus osseus effusus et induratus marginem eminentem objicit: qualem obicem luxatus humerus facile transcendere nequit.

Ligamentum firmum, præternaturale, a scapula ad humerum procedens, et ante sinum articularem tensum, non minorem invincibilemque resistentiam opponet.

Hisce ultiinis in prognosi maxime attendendum, quin et, frustra adhibitis optimis pro restitutione artificiis, de praesentia talis ligamenti, seu calli objecti, cogitandum; torquentis ultius abstinentiam; ægrique sortem Naturæ totam committendam esse, ratio et experientia suadent: eoque magis, quod sensim, motu et attritu, humerus novam sibi plerumque effingat cavitatem: unde merito concludendum

dum, luxationem capitis humeri pone subscapularem musculum magis proficuum esse et faustioris prognosis; quam illa, quia sede excusus humerus naturali, interdineis vincerulis solutis, nudus in verum axillæ cavum exciderit.

Quod Curationem luxati humeri attinet, semper auditu et tactu experiri solet quidam sonus, crepitus sive ictus, ex quo restitutum esse membrum Chirurgus concludit. Signum hoc nullam aliam causam agnoscit, praeter oram interiorem sinus scapulæ, circa quam, vi extensionis anterofum ducto brachio, humeri caput in suum naturale situm reddit, ut sinu excipiatur: quod fieri debere, compositis siccatis ossibus luxationem et restitutionem imitando clare evincitur. Idem vero illud naturale restitutionis signum optimam restituendi methodum indicare, est de quo experimentis in cadaveribus supra recensitis captis, et felicissimo in praxi successu, convictus fui: hoc unico constans, quod Chirurgus ipso momento, quo, extensione brachii facta, certior fit humeri caput ad oram sinus scapulæ accessisse, extensionem remittere aliquantum jubeat, ut *caput introsum et deorsum reprimat a sinu.*

Hunc

Hunc in finem bene collocato ægro, in solo vel sedili humiliore; firmata, tam a parte superiore quam inferiore, scapula; extenso in priora brachio, horisontali fere situ, et flexo modice cubito; omnes musculi æquali extensione elongantur. Applicatis hinc debite, supra cubiti articulum, ministrorum manibus et habenis, extensio fiat lente et moderate, donec Chirurgus, a parte exteriore positus, sive divaricatis cruribus extensum brachium complexus, ansam ex mantile factam transmissa cervice sua sustinens, utroque pollice acromio et claviculæ imposito, digitis vero intra axillam, animadvertiset humeri caput ad interiorem sinus scapulæ oram pervenisce, ibique hærere. In eodem tunc temporis puncto, quo adductio sursum ab aliis præscribi solet, Chirurgus humeri caput interiora et inferiora versus deprimat et reprimat prius a scapulæ sinu. Ad hoc promovendum extensionem parum dimittant ministri, ut laxetur subscapularis: mox vero repeatant, ut liber ab ora sinus humerus, de novo parum in priora ductus, sponte ita in sinum naturalem redeat. Hoc iterum melius succedet, quando, post repetitam illam extensionem, ministri totum brachium dimittant deorsum, ut cubitus lateri accedat eodem momento, quo Chirurgus caput humeri versus superiora ducat, et in articulum propellat.

In robustiore ægro, validi atque contracti musculi, manibus aut habenis non superandi, glossocomia ad restituendum humerum requirunt. Idem tunc experimentum, eodem cum successu instituendum venit; præsertim si adhibetur machina Purmanniana, ab expertissimo apud nos Collegii militaris maritimi primario chirurgo H U S S E M correcta: cuius descriptio et icon in nuper edito, belgice conscripto, cl. Gescheri opere chirurgico exstant: amplius autem ab ipso inventore, in actis Societatis Flislingen- sis proxime cum publico communicabuntur. Machina hac ad libitum extensio minui potest et rursus augeri, quo temporis intervallo caput humeri ab ora sinus scapulæ deprimi debet: quod, prima vice, optime successit in sequenti casu.

Nauta fuit, qui, ex navi in aquam incidens, anxius funem manu prehendit, sicque elevatum brachium ipsius navis lateri aut fossæ graviter allisit. Aquis emersus et protractus cum erat, humerum luxatum declaravit Chirurgus, qui manibus atque habenis restitutionem tentavit, sed frustra. Alter Purmanni machinam correctam adhibuit, non feliori cum successu. In consilium denique vocatus fui, una cum expertissimo ejusdem machinæ correctore: vidi musque ægrum valde robustum, atque, inter alia luxationis

completæ signa, invenimus prominentiam sub dextra clavicula; et caput humeri, digitis in axilla exploratum, magnitudine præter naturam auctum, immobilius et altius situm: unde nullum nobis dubium remansit, non nudum in cavo axillæ, verum pone subscapularem hærere. Tentavimus tertia vice restitutionem cum eadem correcta machina, brachium solito more, horizontali situ, a corpore removendo et extendendo, at frustra. Tribuens ergo hoc unico subscapulari, proposui ut magis in priora, secundum Hippocratem, porrigeretur brachium: quo peracto, et capite humeri a sinu scapulæ debite depresso, sponte fere, et levissimo crepitu in sinum rediit: et statim articuli dolor, totius brachii stupor, et immobilitas a compressis vasis et nervis axillaribus, disparuere.

Brevi post, in octoginta annorum vetula, humeri caput subscapulari obvolutum, immobile, in axilla prominens, facile restituimus. Postea, in pluribus aliis subjectis, eadem cura æque feliciter successit.

In omni ergo Luxatione, in qua, caput humeri delitescere pone subscapularem, ex aucta magnitudine et immobilitate con-

concluditur, depressionem a sinu scapulae, restitutionem promovere, statuere liceat.

Neque minus, ubi caput humeri nudum et mobilis in axilla invenitur, eandem capitum humeri depulsionem et depressionem conuenire, ut eadem, qua exciderit via, juxta marginem subscapularis, versus scapulae sinum gliscat: quis, fabricae partium gnarus, non intelliget? Ubi inveteratum vitium, methodus WHITII (*f*), qua, suspenso ex suo brachio ægro, restitueretur humerus, explorari poterit.

Humeri autem luxatio extrorsum, sub spinam scapulae, eodem sensu intelligenda erit: neque tunc etiam caput humeri sub cute nudum hætere posset, nisi ruptis tendineis muscularum scapulae extremis; potius verum sub infraspinatum et teretem ininorem: unde sequitur eadem cautela, humeri capite versus exteriora depulso ab ora sinus, restitutionem membra fieri debere. Distinctionem quoque hanc, a nullo auctore, quod sciam, factam, anatomica mea evincunt experimenta, quæ, licet praxi non confirmata, supra citatis auctorum observationibus non refelluntur.

Ne

(*f*) Medical obs. and Inq. vol. 2. page 375. et seq.

WHITE cases in surgery. London 1770. pag. 95. et seq.

Ne tamen de proposita hac depulsione et depressione humeri a sinu, tamquam de novo invento nimis gloriari videar: veritatis amor potius me confiteri jubet, supra cito-  
tatos Auctores, et inter illos cl. THOMSON in sua pro-  
posita quæstione (g), plura habere, quæ mihi primam hujus  
propositi ideam suppeditaverunt. Quinimo neglecta a Chirur-  
gis videntur verba GALENI:,, Oportebit excidendi finem  
„ principium esse revertendi, atque inde rursus ad exci-  
„ dendи principium procedere. — Cum humeri caput suo  
„ loco motum, in priorem partem venit, ob pondus deor-  
„ sum fertur, deinde in posteriorem partem, ad latus vi-  
„ musculorum ad se recurrentium contrahitur. — Cum  
„ ergo reverti ad suam sedem debet, inchoari a posteriore  
„ regione necesse est, tuncque primo in priorem partem  
„ impelli, postea sursum adduci, deinde cum situm est e  
„ regione sui cavi, duorum alterum faciendum est, vel  
„ res tota muscularis committenda, vel una cum ipsis attrac-  
„ hentibus adurgendum est” (b).

(g) I. c. pag. 355.

(b) GALENUS, lib. citat. pag. 252. H.

## E X P L I C A T I O T A B U L A R U M.

### T A B U L A . I.

Sublatis integumentis, resecto Pectorali, resecto et reflexo  
Deltioide, seriem alteram musculorum, et luxatum  
Humerum, in situ non naturali exhibit.

- a. Pars colli.
- b. Clavicula, ab anteriori.
- c. Acromium.
- d. Ligamentum triangulare.
- e. Procesus coracoideus.
- f. Subclavius, vagina tendinea obductus.
- g. h. Caput humeri luxatum, et, quantum apparebat, in  
cavo axillæ situm; carnea vero massa involutum, sub  
media clavicula prominens: quo utrumque attollebat  
pectoralem.
- i. Humerus medius, distans a latere corporis.
- k. Expansio ligamentosa, præternaturalis, ab acromio, liga-  
mento triangulari et coracoideo procesu, ortum ducens;  
ante sinum scapulæ tensa, et parti superiori et anteriori  
humeri inserta: unde summi humeri planities, quæ con-  
tra naturam.

## ANATOMIA EXPLICATI OPERA

### I. Divisio insertionis.

m. Deltois, resectus et reflexus.

n. Tricipitis pars.

o. Brachium sinuatum, fracturæ instar.

p. Cutis.

q. Brachialis interni pars.

r. Pectoralis resectus.

s. Caput longum Bicipitis.

t. Caput breve.

u. Coracobrachialis.

v. Tres ultimi hi musculi introrsum conversum humerum

sequebantur, inflexi.

w. Serratus anticus.

x. Vasa axillaria, cum Nervis, ferrato magno et costis ap-  
pressa.

y. Intercostalis externus, superior.

z. z. z. Intercostales interni.

1. 2. 3. 4. Costæ quatuor, superiores.

# T A B U L A I R U M.

## T A B U L A I R U M.

Humeri luxati articulus, a parte exteriore et i postero.

- a. Procesus coracoidei pars. s. Clavicula.
- b. Ligamenti triangularis pars. p. Acromii pars.
- c. Acromium. c. Trigonum triangulares pars.
- d. Spina scapulæ. q. Processus coracoideus.
- e. Pars spinæ, sinuata. e. Rami corporis.
- f. Basis scapulæ. f. Angulus inferior.
- g. Angulus inferior. g. Infraspinatus.
- h. Pars, a qua Teres major. j. Capsa articuli.
- i. Capsa articuli. k. Humerus.
- j. Capsa articuli. l. Expansio ligamentosa, præternaturalis. vide Tab. I. k.
- m. n. o. Insertiones ejusdem.
- p. Teres minor.
- q. Infraspinatus.
- r. Tracti iidem musculi, incedentes inter ligamentum, l.  
et capsam articuli, i.
- s. Supraspinati pars.

T A  
B O L I S C U M.

## E X P I C A T I O

### T A B U L A III.

Humeri luxati articulus, a parte interiore et priore.

- a. Clavicula.
- b. Acromii pars.
- c. Ligamenti triangularis pars.
- d. Procesus coracoideus.
- e. Basis scapulæ.
- f. Angulus inferior.
- g. Humerus.
- h. Capsa articuli.
- i. Expansio tendinea, muscularum scapulæ continuatio.
- k. Subscapularis.
- l. Tendo, seu fibræ inferiores, humeri tuberculo priori interfertæ.
- m. Fibræ superiores, coracoideo procesui contigui, cohærentes.
- n. Expansio ligamentosa præternaturalis Tab. I. k. Tab. II. l.
- o. Pectoralis resectus.
- p. Latisimus dorsi et Teres major, resecti.
- q. Tendo, s. caput longum bicipitis, parum ex fulco humeri protractum.

r.

## T A B U L A R U M.

r. Apertura capsæ, per quam tendo egreditur.

### T A B U L A IV.

Humeri luxati articulus, a parte interiore apertus. Ossa, di-  
ducta a se invicem, retrorsum conversa.

- a. Acromium.
- b. Ligamentum triangulare.
- c. Procesus coracoideus.
- d. Cervix scapulæ.
- e. Sinus naturalis, cartilaginosus, pro parte in fibras resolutus.
- f. Orae interioris pars, quæ diffracta videtur.
- g. Pars acuminata ejusdem oræ.
- h. Novus sinus, non cartilaginosus, superficie grumosa,  
intersticiis membranaceis.
- i. Inferior pars procesus coracoidei, supplementum novi  
sinus.
- k. Ora inæquabilis, terminans sinum, ex callo productum et  
humero effictum.
- l. Ligamentum capsulare, fibrosum intus.
- m. Glebæ pinguedinosæ, induratæ, fere osseæ.
- n. Caput longum tendineum bicipitis, intra articulum con-  
spicuum.

## E X P L I C A T I O


- o. Expansionis ligamentosæ præternaturalis pars.
- p. Caput humeri, naturali cartilagine incrustatum.
- q. Plaga minor, eburnea, polita. Pars illa capitis, quæ, interior, p. q. cum novo sinu h. i. committebatur.
- r. Pars capitis exterior, nuda ac polita, sinui naturali, e. commisfa.
- s. Media pars sinuata, quæ, cartilagine in fibras resoluta, nuda, oram interiorem sinus scapulæ acuminatam excipiebat: hinc ginglymi species.
- t. Callosa tubercula, qualia totum capitis humeri cingebant ambitum, cui adhærebat ligamentum capsulare.
- u. Reliqua pars humeri.
- v. Caput longum bicipitis, idem quod, n.



C O R R I G E N D A.


- pag. 2. lin. 10. articulum, lege articulum  
— 3. — 9. infrascapularis, — subscapularis  
— 5. — 11. infrascapularis — subscapularis  
— 6. — 11. infrascapularis — subscapularis  
— 12. — 9. antem — autem  
— 13. — 14. Διλτοειδες — Διλτοειδες  
— 31. — 5. aliquantum — aliquantum  
— 39. — 18. obinere — obtainere  
— 53. — 12. WHITII — HUNTERI ET WHITII

II.




A. Kötterman omnibus delineavit et fecit.

III.



III.



IV.

